

Na osnovu člana 69. stav (3), člana 70. stav 1, 4. i 6. Zakona o javnim nabavkama („Sl. glasnik BiH“, broj 39/14, 59/22 i 50/24), te na osnovu preporuke Komisije za nabavke, a po provedenom postupku javne nabavke radova putem otvorenog postupka i u skladu sa tačkom I Rješenja o prenosu ovlaštenja na državnog službenika u organu državne službe broj: 02/04-A-19687-2025 od 11.12.2025. godine, Pomoćnik gradonačelnika za Službu za komunalne poslove, izgradnju i poslove mjesnih zajednica, donosi

ODLUKU

o poništenju postupka javne nabavke

Član 1.

Poništava se postupak javne nabavke radova na izgradnji rezervoara i pumpnih stanica za potrebe vodosnabdijevanja sjevernih rubnih naselja u gradu Tuzli, u skladu sa članom 69. stav (3) Zakona o javnim nabavkama („Sl. glasnik BiH“, broj 39/14, 59/22 i 50/24), odnosno iz razloga odabrani ponuđač „TERMOTEHNIKA“ d.d. Tuzla nije dostavio nakon prijema Obavijesti o rezultatima postupka javne nabavke traženu dokumentaciju u skladu sa Tenderskom dokumentacijom i dostavljenom Obavijesti.

Član 2.

Ovom odlukom stavlja se van snage Odluka o izboru najpovoljnijeg ponuđača broj: 05/11-A-017383-2025 od 21.01.2026. godine kojom se ugovor za nabavku radova na izgradnji rezervoara i pumpnih stanica za potrebe vodosnabdijevanja sjevernih rubnih naselja u gradu Tuzli, dodjeljuje ponuđaču „TERMOTEHNIKA“ d.d. Tuzla.

Član 3.

Ova odluka se dostavlja ponuđaču koji je učestvovao u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web-stranici ugovornog organa (www.tuzla.ba) istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05/11-A-017383-2025 od 10.11.2025. godine. Postupak nabavke je proveden putem otvorenog postupka javne nabavke za koji je objavljeno Obavještenje o nabavci broj: 1004-1-3-191-3-292/25 na Portalu javnih nabavki dana 04.12.2025. godine.

Postupak nabavke provela je Komisija za nabavke imenovana Rješenjem broj: 05/11-A-017383-2025 od 10.11.2025. godine.

U toku postupka javne nabavke Komisija je zaprimila pristiglu ponudu, izvršila njeno otvaranje, te pregled i ocjenu ponude prema zahtjevima i kriterijima iz tenderske dokumentacije.

U postupku javne nabavke utvrđeno je slijedeće:

- da je ukupan broj pristiglih ponuda 1 (jedan);
- da je blagovremeno zaprimljena 1 (jedna) ponuda;
- da nije bilo neblagovremenih ponuda;
- da je 1 (jedna) ponuda prihvatljiva i da nema neprihvatljivih i/ili nepravilnih ponuda.

Nakon što je Komisija za nabavke sačinila Zapisnik o pregledu i ocjeni ponuda, broj: 05/11-A-017383-2025 od 20.01.2026. godine i Izvještaj o provedenom postupku javne nabavke, broj: 05/11-A-017383-2025 od 20.01.2026. godine, Pomoćnik gradonačelnika za Službu za komunalne poslove, izgradnju i poslove mjesnih zajednica je donio Odluku o izboru najpovoljnijeg ponuđača, broj: 05/11-A-017383-2025 od 21.01.2026. godine kao i Obavijest o rezultatima postupka javne nabavke, broj: 05/11-A-017383-2025 od 21.01.2026. godine.

Naprijed navedenom Obavijesti o rezultatima postupka javne nabavke pozvan je odabrani ponuđač „TERMOTEHNIKA“ d.d. Tuzla da dostavi, u roku od 7 (sedam) dana od dana prijema Obavijesti, u originalu ili ovjerenoj fotokopiji zahtijevanu dokumentaciju.

Nakon zaprimanja dokumentacije, Komisija za nabavke je konstatovala da je ponuđač dostavio dokumentaciju u roku od 7 dana od dana prijema Obavijesti o rezultatima postupka javne nabavke ali da ponuđač „TERMOTEHNIKA“ d.d. Tuzla nije dostavio traženu dokumentaciju u skladu sa Obavijesti o rezultatima postupka javne nabavke, broj: 05/11-A-017383-2025 od 21.01.2026. godine i Tenderskom dokumentacijom. Komisija za nabavke je utvrdila da dostavljene ovjerene fotokopije dokumenata u potpunosti ne odgovaraju zahtijevanim, odnosno, dostavljene ovjerene fotokopije dokumentacije za zahtijevane dokumente iz Obavijesti o rezultatima postupka javne nabavke, 05/11-A-017383-2025 od 21.01.2026. godine, pod rednim brojevima: 7., 17. i 22. nisu identične fotokopiji dokumentacije koja je dostavljena u ponudi. O svemu navedenom Komisija za nabavke je sačinila Zapisnik o pregledu dostavljene dokumentacije odabranog ponuđača, broj: 05/11-A-017383-2025 od 03.02.2026. godine.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila pregled dostavljenih dokumenata, u skladu sa uslovima iz tenderske dokumentacije i dostavljene Obavijesti o rezultatima postupka javne nabavke, broj: 05/11-A-017383-2025 od 21.01.2026. godine.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama.

Iz navedenih razloga, primjenom člana 69. stav (3) Zakona o javnim nabavkama („Sl. glasnik BiH“, broj 39/14, 59/22 i 50/24), odlučeno je kao u članu 1. ove Odluke.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi putem ugovornog organa, najkasnije u roku od 10 (deset) dana od dana prijema ove Odluke.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Služba za komunalne poslove, izgradnju i
poslove mjesnih zajednica
Broj: 05/11-A-017383-2025
Datum, 04.02.2026. godine

Pomoćnik gradonačelnika
za Službu za komunalne poslove, izgradnju i
poslove mjesnih zajednica

dr.sci. Miralem Mulać, dipl.ing.geol.